



Headline: Rugi 9 bulan RM178 juta
Publication/Portal: Harian Metro
Date: 11 October 2019

Language: Malay
Section: Lokal
Page: 37

Rugi 9 bulan RM178 juta

Kuala Lumpur : Hanya dengan membuat panggilan kepada nombor telefon mangsa, sindiket Macau Scam berjaya memperoleh wang mudah dengan hanya 'menjaja' penipuan.

Biarpun kes penipuan Macau Scam kelihatan agak remeh, namun sejak beberapa tahun kebelakangan ini, sindiket terbabit berjaya memperdaya mangsanya dan menyebabkan kerugian mencecah ratusan juta ringgit. Buktinya, sebanyak 4,177 kes membabitkan kerugian RM100 juta direkodkan pada 2017, diikuti 4,963 kes dengan kerugian RM225.9 juta (2018) dan 3,848 kes dengan kerugian RM178 juta (Januari hingga September lalu).

Timbalan Pengarah (Siasatan Jenayah Siber dan Multimedia) Jabatan Siasatan Jenayah Komersial (JSJK) Bukit Aman, Asisten Komisioner Victor Sanjos berkata, mangsa dikenal pasti termasuk golongan profesional, guru, ahli perniagaan, suri rumah serta pelajar berusia seawal 15 tahun.